



TOSHKENT DAVLAT YURIDIK UNIVERSITETI REKTORINING BUYRUG‘I

28.01.2025

85-tm-son

Talabaga hayfsan e‘lon qilish to‘g‘risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta‘lim shakli bo‘yicha ayrim talabalari tomonidan o‘quv intizomi, Odob-axloq kodeksi va ichki tartib-qoidalarini buzish holatlari aniqlandi.

Xususan, 2-kurs rus A potok 2-guruh talabasi Hikmatov Muhriddin Tolib o‘g‘li oldin ham Odob-axloq kodeksi qoidalariga rioya etish lozimligi bo‘yicha bir necha marotaba ogohlantirilganligiga qaramasdan universitetda o‘rnatilgan kiyinish va soch-soqol qoidalariga rioya etmay kelayotganligi aniqlandi va holat yuzasidan tushuntirish xati olinganda mazkur holat o‘z tasdig‘ini topdi.

Hikmatov Muhriddin Tolib o‘g‘li universitet Odob-axloq kodeksi Odob-axloq kodeksi 12-moddasining beshinchi (Universitet xodimi, talabasi va doktoranti bo‘lgan erkaklar oq, havorang, ochiq rang ko‘ylakda, klassik uslubdagi shim, odmi kostyum va mos rangdagi poyabzalda kelishlari shart), oltinchi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo‘lishi, ular sochlari noodatiy bir necha ranglarga bo‘yalmagan va kiyinish talablariga rioya qilgan holda kelishi lozim) va 24-moddasining uchinchi (Talaba ta‘lim-tarbiya jarayonida tegishli dekanat mas‘ul xodimlarining bergan qonuniy topshiriq va ko‘rsatmalarini bajarishi shart) xatboshilarida belgilangan qoidalarini buzgan.

Yuqoridagilarni inobatga olgan holda Oliy ta‘lim to‘g‘risidagi nizom (ro‘yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug‘i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksi tegishli moddalarini buzganligi sababli hamda Magistratura va sirtqi ta‘lim fakulteti dekanining taqdimnomasiga muvofiq,

BUYURAMAN:

1. Hikmatov Muhriddin Tolib o'g'li – sirtqi ta'lim shakli 2-kurs rus A potok 2-guruh (ta'lim tili – rus) talabasiga universitet Odoq-axloq kodeksining tegishli normalarini buzganligi uchun hayfsan e'lon qilinsin.
2. Magistratura va sirtqi ta'lim fakulteti dekani A.Babadjanov:
ushbu buyruq bilan talabalarni tanishtirsin;
talabanning shaxsiy hujjatlar yig'majildiga buyruq nusxasi tikilishini ta'minlasin.
3. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Kelishildi:

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV

